

docriver 文川网
入驻商家
在文川网搜索古籍书城 获取更多电子书

中國方志叢書·華北地方·第五二四號

據

清·李于垣修，楊元錫纂
嘉慶十五年刊本

影印

河北省

長垣縣志



成文出版社有限公司印行

sk97/12



農垣縣志

序

孟侯舊壤常氏遺封。邑號匡蒲星分。
室壁駕青岡而凌白塔。撫黑洋而下
黃溝。天應圖書。奠

神京之南趾。地占河朔。接繡壤於東明。鶴
邱之徙倚。何常。鳳岡之統轄。猶在。巍

docsriver 文川网
入驻商家 古籍书城

在文川网搜索古籍书城 获取更多电子书

魏巖邑在昔已昭渺渺芳徽於今未
墜予不佞觀風閭俗輶軒歷三善之
邦良有司考獻徵文筆削繼千秋之
志爰稽古蹟用采新編何遜自張條
今縷析蓋以符分漢魏土列屏藩封
錫長羅爵除建武隸板圖者十三城

食采邑者五千戶。疆維廓矣。侯籍昭然。且以古多賢哲。代有循良。人物表彰。政聲宣著。至聖來遊之地。高賢暮過之鄉。迢遞遠村。道左之遺風。晝永清閒。蒲治庭前之佳樹。春深吳孝廉牧豕行吟。衡門守志。周光祿批鱗直。

諫御座留章桑田高季智之風歌頌
樂舜欽之化共目長官清正絲毫不
擾下民咸知侍御剛方金帛何勞上
壽既彰文治更著武功身殉滎陽王
氏之祖孫並節血流汴水韓家之兄
弟齊名司馬銜碑忠惟一死太師賜

劍勇冠三軍、淹通明著、希顏孝行、宋
推祖德、村崇魯義、大義克敦、城號婦
姑貞、姑自矢、永矣此邦之彥、休哉不
世之英、更有亭修閭志、堂築退思、弔
龍逢之故居、訪比干之石槨、秋風水
澤、聽牧笛之一聲、春雨山壇、落杏花

之幾片殘碑斷碣石勒忠肝適館授
餐車停版集臺圯柯同爛盡千年之
殘局誰收城荒鷲未歸來三百之乘
軒安在是皆俯仰陳迹之如斯所謂
憑眺興懷於不盡者也方今


聖天子治化維新海隅率被輿圖式廓共

樂車書、風俗敦龐、咸登熙皞、垣邑久
稱樂土、志乘已歷多年、事屬典章、理
宜修輯、李明府情殷刪訂、庶幾魯有
傳人、邦人士志切搜羅、尤幸衛多君子、
遙觀厥成、爰以為序、

嘉慶十五年春二月

賜進

士出身內閣學士兼禮部侍郎提督
順天等處學政涇邑吳芳培譔并書



+

新修長垣縣志序

作志如作史昔江淹有言志者典章之所繫非老於典故者不能爲也今之郡邑皆有志矣而其間可采者蓋寡以是知志之不易爲也然而非其人不作非其人不述守土之吏簿書鞅掌有不暇爲卽有其暇不能明體例慎取裁則又不能爲卽好而爲之非攷訂詳贍其才其學其識之足以昭傳信者則又不可爲志之成也不其難乎余自丙寅春奉

天子命來守大名首詢郡志創自康熙壬子爲誤漫漶不能覽因念郡屬一州六縣若新志俱成彙而輯之則郡志之成也易安邱李君子垣以名家子調宰長垣學問旣優

才卓卓近以所修長垣新志問序於余觀其所作博核整
贍一準古人成法炳焉蔚焉首作圖攷法唐李吉甫元和
郡縣圖志宋李昉圖經也作沿革表法一統志表也作封
爵表法漢司馬遷功臣侯表也作職官表法漢班固百官
公卿表也作選舉表法唐姚康科第錄也作地理書法晉
朱育會稽土地記也作建置書法宋無名氏衙署志宋敏
求東京記也作田賦書法宋田况皇祐會計錄也作禮
書法唐韋公肅禮閣新儀也作事紀書法司馬遷等八事
記韋氏三輔舊事也作循政記法梁元帝丹陽尹傳宋費
樞廉吏傳也作人物記法魏周斐汝南先賢傳晉習鑿齒
襄陽耆舊記也作列女記法漢劉向列女傳晉杜預列女

記也作藝文錄法晉藝文錄文章志梁阮孝緒七錄文集也作金石錄法宋鄭樵通志金石略也終之以敘錄法固漢書敘傳常璩華陽國志敘錄也是非其才大其學博其識精烏能如是哉方今

聖代

右文海宇雍睦凡親民之官能周知一邑之事庶幾無媿而一邑之事莫詳於志志不修則事無可攷而庶務弛大可懼己邑志旣修則郡志亦可采輯成書以承省志統志之全仰贊一道同風之

盛治典至鉅也今李君先我而爲之而又能延博洽之士載筆編纂以合於古之所爲類非俗吏之所能爲也是志之成豈徒備一邑之鑒耶將以俟他邑之有所裁也以俟太史

之有餘采也其資益政術曷云淺鮮故綜攬而敘之當有
觀感而興起者足維風教於不衰

嘉慶十四年歲在己巳十一月朝議大夫直隸大名府知
府定安莫景瑞序

序

志者識也所以備觀省昭勸戒明是非辨得失非一家一時之私籍亦非一家一人之私見也長垣志自康熙庚申修輯後閱今百三十年文獻無徵網羅不易丁卯春于垣由曲陽調宰是邑士民首以修志爲請越歲戊辰請者益衆竝樂輸經費以襄厥成由是延陽湖楊君元錫至垣設館授餐任編纂之事楊君家世四代翰詹皆領史職淵源有自好古洽聞屢應郡邑修志之徵長於述作迺羅列經史子集竝廣蒐博采佚事舊聞悉書於冊又徧揚殘碑斷碣及士夫家乘以備參稽夏四月于垣于役都門初冬始返則志彙旣成爲圖爲表爲書爲記爲錄都爲十六卷論

者正闕者補體例既嚴取裁亦慎適呈於 大府

督學闕定以付劄人昔明李襄毅作邑志序慮風俗之遷
流民習之難挽愷切而言之今之戶口什倍於昔衛之富
庶依然而俗不遠古豈父兄之教不先與抑長吏之未能
化導也我

國家重熙累洽涵養休息百七十年凡郡邑之風土民情無
不登之於志以供金匱石室之采擇則志之成也不可緩
吾願邑之士皆敦崇實學毋逞臆見操鄉里短長以自矜
其行也邑之民皆務本力作毋爲狙詐爭鬪以扞法也邑
之工商皆勤於貨殖毋舍業以嬉荒厥事也如是而士安
於學農安於田工商安於市明禮習教崇儉黜華念三善

docsriver 文川网
入驻商家 古籍书城

在文川网搜索古籍书城 获取更多电子书

可謂賢人過蓬鄉而思君子當大書特書以仰副

太守之盛治是幸斯上者之幸也亦吾民之幸也是志之所嚮

豈淺渺哉嘉慶十四年歲在己巳斗柄建亥之月長垣縣

知縣安邱李于垣序

附記新志序後

愚聞之師曰郡縣之志卽古列國史官之遺乙部之要刪也後漢光武始詔南陽撰作風俗而方志之修所自來矣長垣之有志書始于前明宋元以上無聞焉其在於今存而可見者邇

函朝康熙庚申之書已越百三十年欲問其遺事而故老皆無在焉者夫吾垣爲

畿甸名區文獻之盛自古已然往所不論卽庚申以來鄉先生擅述作之才者未始無人焉而因時紀事何鮮有味乎其言之蓋天下之平久矣百餘年

覃恩

愷澤不冒乎海隅十七省風土民情悉登於

天府統志之書燦然大備則偏區小邑抑可以作可以無
作也乎然而一邑者天下之餘也彼都人士有欲收
羅放失纂輯舊聞勒成一書以待輶軒之採亦所不
禁焉洪惟我

皇上御極之十有三載時和年豐邑人分發知縣楊君怡
曾讀禮家居慨然約諸同人稟請一一新之維時任
編纂之責者陽湖名士雲珊楊元錫也愚與雲珊未
得一聆其言論幸旨讀其所爲書標體著例一掃方
志類纂之習爲帙有八爲卷十有六炳炳烺烺亦一
邑觀法之原得失之林也歲己巳因與同邑私議志

事受知於紫峯父師辱承采摭少加訂定尋命執
藝門下弁囑校讐聞命之餘敞罔者累日然又不敢
固辭用是悉心考證除引用各書原本外餘則校正
譌謬竊有依據至刊刻筆畫悉遵

御製康熙字典及四庫全書字辨錄成宗體以昭

聖代同文之治自庚午春月校刊歷夏及秋而勅諭告成
或有問于愚曰志與史異名而同是今予之所校者
盡足以傳信否耶愚應之曰信信信信信疑述作之
旨也采訪之責也愚惟校對是在弗敢與知焉耳將
問者引身而退因綴數語於序末弁以見紫峯父
師之大意遂於焉起

嘉慶十五年七月既望邑人呂原謙謹識

長垣縣志敘例

直隸大名府長垣縣知縣安邱李于垣撰

志與史義同而體異州縣之志古者侯封一國之書也掌故治法皆備焉是必先崇體例慎所取裁綱目相維小大畢舉庶可上承統志省志郡志之全爲史部之支流一屬之綱要茲作縣志爲圖十有六表四書五記三錄三都爲十六卷各有小序以明志義

志首列圖考倣古圖經之意以作掌上之索也舊志作圖未能明晰茲則開方計里作縣境總圖一分圖五按里計之不爽銖黍邑水患爲最大故河道圖次之至於城池廡署學宮義倉先賢祠墓各以次爲圖庶開卷瞭然有當於

古人左圖右史之義

表有四首沿革次封爵次職官次選舉有應詳者沿革則附之以攷職官外有循政記選舉外有人物記有毋庸詳者封爵作表知漢爲侯國以昭侯籍無所用其別志也舊志沿革過略茲以各史地志並括地志元和郡縣圖志太平寰宇記以及各書記載作沿革攷以詳明之表略而攷詳相輔而行也

史部要義有文辭者曰志曰傳無文辭者曰圖曰表虛實相資詳略互見馬班史法千古不易矣今之作志者每不作表概編之曰志以職官之知縣丞簿選舉之進士舉貢分類相從遂使順治年之縣丞舉人次於嘉慶年知縣進

士之後觀書者欲考其同僚共事同科同時先後歲年以
難究直似一官吏點名冊耳夫志爲一邑之史不明班
分類附之法不知年經事緯之理宜其進退失據不中史
法也舊志沿革過略茲作表作攷以詳之舊志不載封爵
茲據漢書魏志補之舊志職官多闕茲據金石補之舊志
選舉入於人物今作表以別之庶有合乎志體

職官選舉二表蓋倣班史百官公卿表法年經事緯表著
列眉按格而稽有所考索職官於姓名之下註其鄉貫科
甲生至某官選舉進士舉貢姓名下註其官爵以爲記傳
之敘目有名列於表而不入記傳者乃無德可稱藉表以
著其姓名歲月而已無者闕之舊志不載主簿姓名今以

金石紀載補入

舊志職官周有旬須漢有常惠後唐有孔相循案左傳成公十七年施氏卜宰匡旬須吉杜註卜立家宰非匡城之宰也漢書功臣侯表常惠封長羅侯非邑之令長不應闕入職官故另作封爵表以別之五代史雜傳孔循唐莊宗時權知汴州亦非長垣宰令不應列入之故以孔循爲孔相循俱考正削去以孔循事載入事紀書有案語茲證長垣職官舊志闕而今增補者據宋史增長垣尉李公麟一人據各碑刻增補知縣三人縣丞七人教諭八人訓導十人主簿三十三人巡檢一人典史八人

舊志選舉載元進士李好文案元史李好文列傳爲東明

人不應列長垣志中故刪之選舉表後附例貢例職似近於濫因仍舊志所載未便削之漢黃霸司馬相如皆以賢進一以政事一以文章彪炳史冊曠論其始進哉在人之自立耳

方志以輿地爲主圖表旣成地里宜聯司馬遷作天官書班固因之作地里志弁詳分野亦因地而占所分之星耳茲準馬班兩家之意作地里書首詳分野而後以疆域形勝里甲山川河隄古蹟塚墓次第詳列庶幾開卷可稽舊志里甲村莊未能詳備今以縣境東西南北東南五路

共一千六十四村莊編戶六十一里俱詳明道里俾有所攷邑屢有水患河隄最重考訂尤詳古蹟論者正之闕者

補之必博引載籍一衷於是

疆域既定輿地既明則城邑廨署壇壝祠廟建置之所當書也舊志別志學校今倣康對山武功志例歸於建置至於先賢先儒位次以及歷代封爵載於會典闕里志者普天同例非一邑所專義所當略近代方志每列寺觀夫寺觀何足云建置耶今以寺觀載於里甲某里某村下以存其名所以抑二氏也

出賦備載一邑之賦役凡戶口田糧畱支起運悉照賦役全書編輯以見制度有經唐李吉甫國計簿宋李常元祐會計錄何萬長樂財賦志是其例矣乃倣而爲書

劉昭補後漢書志易禮樂而爲禮儀爲後世儀注入志之

docsriver 文川网
入驻商家 古籍书城

在文川网搜索古籍书城 获取更多电子书

本聖人功成制禮治定作樂所謂範民以敬導民以和與
至鉅也我

朝會典所載典章美備鉅細兼該凡慶典祀典與夫一切禮
儀州邑所通行者自宜編輯以明禮教乃舊志闕焉茲謹
照會典禮例編爲典禮書俾率而行之知掌故所存實所
攷云

宋三朝藝文志曰西漢有掌故之吏以主故事則名之所
起不其遠乎史遷大事記史家奉爲遺法茲別爲事紀首
載

恩澤以昭

聖朝渥懷邁越前古也次載祥異以重天時故事以鏡人事微

古人紀載之體輯而成書凡古今之事有關於長垣者如指諸掌矣

史記循吏五人漢書循吏六人垂統後世以見循吏之難蓋其慎也至於正史外則有梁元帝丹陽尹傳十卷賀氏會稽太守贊二卷唐成都幕府記二卷宋費樞廉吏傳十卷皆取莅是邦者之名蹟而敘之義例皆可尋繹舊志於職官條下備書政績不知職官爲名宦之綱目猥雜而書失其意矣茲作循政記義例謹嚴益致其慎非特意存補救從政者亦當知所勉也

隋書經籍志曰古之史官必廣其所記外史掌四方之志則諸侯史記兼而有之故自公卿諸侯至於羣士善惡之